

Tutunlap mi Awewei Ossini

Assosou ewe Fonu

Chronicles 36:11-21

Nepoputan an Kot fori fonufan, metoch meinisin mei fokun murino. Aramas, Maan me ira kich fokun nonom fengen non tipew me kinamwe. Nge nupwen tipis a tonong, metoch meinisin a siwin. Kich aramas sia poputa me ochoch maan. Maan ra poputa me pusin ochei fengenir. Ira fonufon ra pukuta ekis



meinisin. Manamanen tipis a mwo nge angawano ewe pwul. Kot a ereni Kain pwe inamo ika kopwe atakeni ewe pwul nge esapw tongeni epwe fang ngonuk an pochokun. Genesis 4:12.

Mei wor ew popun an Kot annuk ngeni ekewe chon Israel pwe repwe asosou ewe fonu iteiten efisuwen ier resapw atakeni (Exodus 23:10, 11). Faniten repwe mut ngeni an ew pwul epwe pwan chikar sefan iwe a pwan tongeni an epwe maareechuno ira ra fotuki won oh naf mongo ngeni ekewe mi osupwang. Nge napengeni neun Kot kewe aramas rese apwonueta ei annuk. Rese mochen apwonueta. Iwe a fiss ew fansoun kepwung. King Nebuchadnezzar seni Babylon iwe a nieno ekewe ra uu ngeni. Ekoch neir ra feino ngeni Babylon. Nge fonuwen ekewe chon Israel ewe a asoso. Non ukukun nangatamen an ekewe chon Israel onoo non Babylon pwan ina keukun an Jerusalem asoso ika tonong non an Sabbath. 2

Chronicles 36:21. Murin ewe 70 ier ekewe nusun re chiwen manau ra niwiniti Canaan oh ra auweta me atakeni sefani Jerusalem.

A murin 6000 ier iei, Sises mi kini uwaan ewe kapasanim. Paipel a aiti ngeni kich pwe “1000 ier merech nge a usun ew ran meren Kot.” 2 Peter 3:8. Sisese epwe niwin sefan oh kini uwan fonfan. Ekoch repwe mano ren saraman an ewe niwinsefan nge ekoch repwe feino ngeni an we muu mi fokun amwarar. Iwe murin ei Fonufan epwene angei an asoso non ukukun 1000 ier.

1. Ifan ena metoch epwe fiss epwe esisinata ach sipwe poputa me aneani ekewe 1000 ier?

1 Thessalonians 4:16 ¹⁶Pun püsin ach _____ epwe _____ me läng fän mwelian mi leüömong, fän mwelian ewe samolun chon läng, pwal fän puun nöün Kot rappwa. Iwe, chokewe ra fen mäla lon ar lükü Kraist repwe akomwen _____.

Revelation 20:4, 5Ra manausefäl o eti Jesus le nemenem lon ükükün _____ ier. ⁵(Nge ekewe lusun mi mäla resap manausefäl tori ekewe engeröü ier repwe sopola.) lei ewe _____ manausefäl.

NOTE: Ewe 1000 ier non Pwarata 20 sia pwan eita ngeni ewe Millenium. Ei kapas Millenium kapasen Latin. Ruu kapas nge winiti ew foos. Milli wewen Engorou, annum wewen ier. Ewe Oruwen niwinsefan an Sises me ewe aewin manausefan ikkei met ra esisinata nepoputan ewe 1000 ier. Ekewe aramas mi tupwen iir mei feioch me pin usun a apasa non wokisin 6, repwe fiti ewe aewin manausefan.

2. Met epwe pwan fiss non ewe aewin manau sefan?

1 Corinthians 15:51, ⁵¹Oupwe rorongrong, üpwe ürenikemi eu kapas monomon: Sap kich meinsin sipwe mäla, nge lupwen ewe amüchülan rappwa epwe tik, kich meinsin sipwe müttir _____ ⁵²lon eu chök morupun mas. Pun lupwen ewe rappwa epwe tik, ekewe mi mäla repwe manausefäl, nge resap chüen mälasefäl, nge kich meinsin sipwe wilila.

Philippians 3:21 ²¹i ätewe epwe awili inisich inisin tekison pwe epwe wewe ngeni inisin we mi _____ ren an we manaman a tongeni anomu mettoch meinsin fän nemenian

2 Thessalonians 2:8 ⁸Mürin ewe Aramas mi Tipis epwe pwäla. Nge lupwen ach Samol Jesus epwe war epwe _____ i ren enienin ngasangasan mi towu seni awan o amüchala ren lingen an war.

Revelation 16:18, 20, 21. ¹⁸Iwe, a fis fifin inefi, ngüngü me chopun chopulap, pwal eu _____ fanü mi fokun afeiengau. Esap fokun mwo wor eu sokun chechechin fanü seni lon fansoun popuetän än aramas nom won fanüfan mi afeiengau usun ei. ²⁰Iwe, ekewe fanüen lematau meinsin ra kokotiu, nge ekewe chukutekia meinsin ra morola. ²¹Üten _____ mi watte, choun eföü ina epwe ükükün ipükü paun, ra turutiu seni läng won ekewe aramas. Iwe, ekewe aramas ra otteki Kot pokiten ewe feiengau ren ewe üten fau, pun ewe feiengau a fokun aniuokus.

Revelation 20:1, 2. ¹Mürin üa küna eman chon läng a feitiu seni läng, nge a amwöchü lepöün efoch kien ewe pwang mi alolol, pwal efoch selimächä mi fokun chou. ²Iwe, a turufi ewe trakon, ewe serepenitin lom, iei i ewe Tefil ika Satan, a _____ pwe epwe föfö lon ükükün engeröü ier.

NOTE: nengeni ena chart faniten ei 1000 ier won page 6 ren menlapan ekewe metoch epwe fiss mwemwan poputan ewe 1000 ier.

3. Ion epwe fiti ewe oruwen manau sefan pwan inet atun epwe fiss?

John 5:28, 29 ²⁸Ousap weitifengenikemi ren ekei kapas. Pun epwe war ewe fansoun lupwen ekewe sotup meinsin repwe rong mwelian ²⁹o towu seni peiaser: Chokewe mi föri föföör mürina repwe manausefäl o küna manau, nge chokewe mi föri föföör mi _____ repwe manausefäl o küna _____.

Revelation 20:5 ⁵(Nge ekewe lusun mi mäla resap manausefäl tori ekewe engeröü ier repwe _____.) lei ewe aeuin manausefäl.

NOTE: Ekewe aramas tipis repwe fiti ewe oruwen manausefan murin ewe 1000 ier a wesino.

4. Epwe ifa usun nonomun fonufan fansoun ewe 1000 ier?

Isaiah 24:1 ¹Iwe, ewe Samol mi Lapalap epwe _____ fanüfan o apööla. Epwe ataela won o atoropasa chon.

Jeremiah 4:23-26 ²³Üa nengeni fanüfan pwe a tala o _____. Üa netä läng o küna pwe esap wor an saram. ²⁴Üa nengeni ekewe chuk o küna pwe ra chechech, ekewe chukutekison meinsin ra mwarorofeil. ²⁵Üa küna pwe esap wor eman aramas, pwal ekewe machang meinsin ra süla. ²⁶Üa küna pwe ewe fanü mi mürina a wiliti eu _____, nge ekewe telinimwen lon ra tatakisilapokiten än ewe Samol mi Lapalap song mi fokun watte.

Jeremiah 25:33 ³³Iwe, chokewe mi _____ me ren ewe Samol mi Lapalap lon ewe ränin repwe toropasfeil seni epek fanüfan tori epek. Esap wor eman epwe kechüetiir, ika ionifengeniir, ika _____. Repwe usun chök kiten mongö me won pwül.

NOTE: Fonufan epwe fokun tatakis oh penunoo ren ewe pochokunen chechin fonu me ewe Hailstorm e feitiw fonufan ren an Sises ewe oruwan niwin sefan. Fonufan epwe fokun ro chopwak. Aramas mi maa repwe nom won unusefan fonfaun, esapw wore mon epwe kechiweitir pwe espaw wore mon epwe namotiw mi manau. Meinsin ekewe mi tupwon repwene nom lang nge meinsin ekewe mi tipis ra mano (See supplement on “The Bottomless Pit.”)

5. Ian ekewe mi tupwon repwene nonom ia non ewe 1000 ier pwan met repwe fori?

John 14:3. ³Mürin ai üpwe feila o amolätä leniemi, üpwe pwal liwinsefälito o angeekemi, pwe oupwe nonom rei, pwe ____ ngang üpwe ____ ie, iei ämi oupwe pwal nom ie.

Revelation 20:4. ⁴Mürin üa küna ekoch lenien motun king, nge chokewe mi mot wor ra angei ewe pöchökül pwe repwe tongeni eäni _____. Üa pwal küna ngünün chokewe mi ninnila pokiten ar arongafeili ewe let Jesus a pwärätä me än Kot kapas. Ir chokewe resap fel ngeni ewe manmwacho ika uluulun we, resap pwal angei asisilen ewe manmwacho won chamwer ika won pöür. Ra manausefäl o eti Jesus le nemenem lon ükükün engeröü ier

1 Corinthians 6:2, 3 ²Ousap silei pwe ekewe _____ repwe apwüngü fanüfan? Nge are oupwe apwüngü fanüfan, ifa usun ousap tufich ngeni ämi oupwe apwüngü ekewe mettoch mi kisikis? ³Ousap silei pwe _____ sipwe apwüngü ekewe chon läng? Iwe, sipwe fokun apwüngü ekewe mettochun lon ei manau.

NOTE: Non ewe 1000 ier, ekewe mi tupwon repwene nom non lang repwe pwan fori masowen ewe kepwung. Esapw ir repwe wisen fini ion epwe manau me ion esapw pwe Kot a fen wess me fini. Wiser repwe chok chon wisen nengeni pwungun ewe kepwung iwe ra confirm ewe kepwun an Kot. “ Pwan om kepwung a fokun pwapwanoo” Revelation 15:4. an Kot kepwung mi murino ma an ngeni niwinin ekewe mi tipis chapen ar tipis ekewe mi tupwon repwene wisen nengeni me apwungu pwun mi enlet an kepwung. (Revelation 22:11, 12). This phase of the judgment is for the benefit of the saints. Ei kinikinin ei kepwung, faniten ekew mi tupwon. Awewe chok, ka eta lang nge ka sinei pwun noum ewe wonporun ese nom non lang nge fichino meiwor emon mi soná mi fen nom lang. Ina kopwe mefi pwe en mi mochen emon epwe anisuk om kopwe weweiti ika pwata. Ekewe chonInag repwe wisen emwenuk non ekewe puk pwun esapw wor om tipemwarawmar. Iwe murin ei kinikinin kepwung, meinisin repwe fokun nuku pwe an Kot kepwung a enlet me pwung seni meinisin. An tong a fokun nenepok won meinisin. Iwe meinisin ekewe aramas repwe apasa pwe “ Pwung me enlet om kewe kepwung Revelation 19:2. (See supplement entitled “The 1,000-Year Chart.”)

6. Met epwene fiss nesoponoon ewe 1000 ier?

Zechariah 14:1, 4, 5, 9. ¹Iwe, ränin än ewe Samol mi Lapalap apwüng a arapoto. Mürin, aramas repwe angei pisekimi chon Jerusalem fän pöchökül o aineti fän mesemi ⁴Lon ena fansoun i epwe ütä won ewe Chukun Olif mi nom mwen Jerusalem me peliötiu. Iwe, ewe _____ epwe mökfesen lon ruu kinikin seni ötiu tori lotou, pwe epwe fis eu lemöl mi fokun chölap. lei usun epek ewe chuk epwe sönüla ngeni peliefeng, nge epek ngeni peliör. ⁵Nge ämi oupwe aleni ewe lemöl le sü, pun ewe lemöl mi fis lefilen ekewe chuk a tori Asel. Ewer, ämi oupwe sü usun ämi kewe lewo ra sü ren ewe chechechin fanü mi fis lon mwün Usia ewe kingen Juta. Mürin, ewe Samol mi Lapalap ai we Kot epwe feito, nge ekewe chon pin meinisin repwe

eti. ⁹Mürin, ewe Samol mi Lapalap epwe king won unusen fanüfan. Lon ena fansoun ewe Samol mi Lapalap epwe i chök Kot, itan chök epwe pwal föüla.

Revelation 21:2 ²Iwe, üa küna ewe Telinimw mi Pin, ewe Jerusalem mi fö, a _____ me _____ seni Kot, a molotä usun eman fin apwüpwülü söfö a tolong lon foutan pwe epwe apwüpwülü ngeni pwülüan.

NOTE: Nesoponon ewe 1000 ier , ewe Jerusalem sofo fiti fengen me ekewe mi tupwon ra nonom non repwe feitiw seni lang ngeni fonufan oh repwe nom won ewe chukun olives. Ewe Samol epwe asosona ewe chuk pwun ewe teninimw epwe nom ie.

7. Met epwene fis murin an Setan a musono seni an nenien fotek?

Revelation 20:5, 7. ⁵(Nge ekewe lusun mi _____ resap manausefäl tori ekewe engeröü ier repwe sopola.) Iei ewe aeuin manausefäl. ⁷Iwe, wesin ekewe engeröü ier, Satan epwe _____ seni an fötek.

NOTE: Murin an ekewe aramas mi tipis ra manaueta, setan epwene pwan tou otupwur meininis.

8. Met setan epwe fori nupwen ekewe chon tipis ra manau sefanita?

Revelation 20:8, 9. ⁸Epwe feila pwe epwe _____ chon ekewe mwü won unusen fanüfan, ekei mwü Kok me Makok. Satan epwe achufengeniir meininis pwe repwe maun, iteiter meininis ra usun iteiten föün pien aroset. ⁹±Ra chöfetal won fanü o _____ lenien ewe mwichen chon pin me ewe telinimw Kot a echeni. Nge ekei a feitiu me läng o keniirela.

NOTE: Setan epwe sopweno me otupu ekewe aramas pwe repwe nuku pwe Kot mi nemenemengaw ngeni oh aturaou seni ewe teninimw nge ika re angang fengen ra tongeni ar repwe niapeni ewe teninimw oh nemeni. Iwe ekewe aramas ra roofengen iwe ra noo pwe repwe maunei ewe Jerusalem sofo.

9. Non ei watten osukosuk, met ewe epwe fiss pwe epwe auwenoi metoch meininis?

Revelation 20:11, 12. ¹¹Mürin üa küna eu lenien motun _____ mi watte o _____ me ewe eman mi mot won. Fanüfan me läng ra süla seni mwen mesan, nge esap chüen wor leni fän iter. ¹²Iwe, üa küna ekewe mi mäla, ekewe aramas tekia me aramas kis, ra ütä me mwen ewe lenien motun king. Iwe, ekewe puk ra sukula. Mürin pwal eu puk a sukula, iei ewe puken iten chon manau. Iwe, ekewe mi mäla ra küna _____ won mine ra föri usun a makketiu lon ekewe puk.

NOTE: An Kot ewe nenien motun king epwe nom non asapwan asetan ewe teninimw, iei saingonoon kinikinin ewe kepwung a poputa. Meininis ekewe chon eto repwe maunei ewe teninimw ra kouno. Ekewe book repwene sukono, Iwe meininis repwe

kuna usun nonomun manawer. Meinsin repwe sukono ngeni ekewe chon tipis me ekewe chon tupwon pwe repwe kuna (Luke 12:2, 3).

10. Met epwe fiss murin an ekewe mi tipis ra keprung?

Romans 14:11 ¹¹Pun a mak lon ekewe Toropwe mi Pin, “Ewe Samol a apasa: Üa akapelüei, pwe aramas _____ repwe _____ mwen mesei, nge aramas meinsin repwe pwärätä pwe ngang Kot.” [†]

Philippians 2:10, 11. ¹⁰Iwe, chokewe meinsin mi nom won läng me fanüfan pwal failol repwe fotopwäsuk o asamolu ewe it iten Jesus, ¹¹nge ir meinsin repwe _____ pwe _____ Kraist i Samol, pwe Kot Sam epwe ling ren

Revelation 19:1, 2 ¹Mürin ei, üa rongorong och möngüngü mi wewe ngeni mwelien eu mwichen aramas mi watte seni lon läng, ra kökkö fän leüömong, “Ousipwe mwareiti Kot! Manau me ling me manaman a wor ren ach Kot! ²An kewe _____ ra let o _____! A apwüngü ewe fin lisowu mi iteföüla, a angauala chon fanüfan ren an föförün lisowu. Kot a ngeni chappen an föför, pun a niela nöün kewe chon angang.”

NOTE: Meinsin ekewe aramas tipis repwene pusin apasa pwe Kot emon Kot mi pwung oh eseor eimukinikin meren. Ra pwan sineni pwe ii a achocho ngeni an epwe amanawer nge ra pusin finata ar resapw mochen ausening ngeni. Ra sopweno me manaweni manawen tipis. Murin ei meinsin ra tipew ngeni pwe Kot mi wesetan pwung me enlet, iwe meinsin ra tipew ar repwe angei niwinin ar tipis oh mano.

11. Met epwe fiss murin?

Revelation 20:9 _____ came down from God out of heaven, and _____ them. ⁹Ra chöfetal won fanü o rongeela lenien ewe mwichen chon pin me ewe telinimw Kot a echeni. Nge _____ a feitiu me läng o _____ meinsin.

Revelation 20:15 ¹⁵Iö esap mak itan lon ewe puken iten chon manau a koturulong lon ewe _____ ekkei.

NOTE: An Kot ewe ekkei a feitiw won ekewe aramas tipis oh a winiti ew nomun ekkei menukun ewe teninimw an Kot. Ewe ekkei epwe fokun kenireno tori ar winiti falang (Malachi 4:3 Setan esapw tongeni kuneno ewe ekkei itan hell. Ii me neun kewe chon lang repwe pwan angei niwinin ar tipis non ei ekkei oh repwe pwan winiti falang (Revelation 20:10; Ezekiel 28:18). Esapw chiwen wore mon epwe manausefan murin ei. Iei ewe oruwen mano. Mano fochofoch. (Revelation 20:14).

12. Nupwen ewe ekkei a wesino, Met Kot epwe fori faniten neun kewe aramas?

Isaiah 65:17 ¹⁷Iwe, ewe Samol mi Lapalap a apasa, “Nengeni, üpwe _____ eu läng mi fö me eu fanüfan mi fö. Iwe, esap chüen wor eman epwe chechemeni ekewe mettochun lom o ekieki usun.

2 Peter 3:13 ¹³Nge usun än Kot pwon sia witiwiti eu läng mi fö me eu fanüfan mi fö ia pwüing epwe _____ ie. †

NOTE: Murin ewe 70 ier ekewe chon Israel ra onoo non Babylon, Ekewe chon Israel ra niwin ngeni ewe fonuwen pwon oh ra fori sefan ewe teninimw. Murin ewe Millenium ekewe aramas tupwon repwe kuna an Sises a fori ewe minafon lang me fonufan, ian tipis esapw chiwen tongeni an epwe pwaa sefan me ia(Nahum 1:9 Ewe paratis Adam me Eva ra tou seni pokiten tipis, Kot epwe eniwini sefani non ningan me amwararan. Kinamwe, pwapwa me tong, pwapwa mi unuseech epwe fokun nonom ren neun Kot kewe aramas feinfeino chok!

13. Ian Kot me kewe mi tupwon repwene nonom ia?

Revelation 21:3 ³Iwe, üa rong mwelien eman mi leüömong a kapasowu seni ewe lenien motun king, “Nengeni, imwen Kot a nom lein aramas! Iwe, Kot epwe _____ o ir repwe aramasan, nge püsin Kot epwe etiir pwe epwe ar Kot.

Matthew 5:5 ⁵Ra feiöch chon tipetekison, pun ir repwe fanüeni _____ .

NOTE: Ewe Kot Sam me Kot nau repwene nonom fengen me ekewe aramas non ewe minafon fonufan. Epwe ian me apwapwan pokiten Kot a winiti om neighbor!

Om Finata

Sises a apasa, “ upwe feino pwe upwe amonata ew neni fanitom.” John 14:2. A wor imwom mi watte a amonata non ewe teninimw. Met ka etiwa an Sises ei koko fanitom. A mochen epwe ngonuk manau ese much pwan ew minafon manaw. Ka monota om kopwe etiwa oh tonong non ei minafon mwuu an Sises?

Ponuwan merei: _____

Sopusopun ach ei nessen

Ei kinikin epwe anapano anisi om kaeo ach ei nessen.

The 1,000-Year Chart

Ekewe metoch repoputani ewe 1,000 ier:

1. Sises a niwin sefan faniten neun kewe mi tupwon, ekewe mi tupwon ra malo repwe manau sefan.
2. Ekewe chon tipis repwe mano ren an Sises niwin sefal kapach chechin fonu me hail.
3. Ekewe mi tupwon ra ekesiwil iwe ra etekita churi ewe samol non asapwal
4. Ekewe Kuchu epwe uwei ekewe mi tupwon ngeni lang.

1,000-ier

Nonomun fonufan mwen ewe 1000 ier:

1. Ekewe mi tupwon repwe aeni kepwung non lang
2. Satan me neun kewe chonlang ra mochunoo fonufan non rochpwak ese chiwen wor chiener.
3. Eseor aramas mi manu won fonufan

Met epwe fiss mwen kesipenon ewe 1000 ier.

1. Sises epwe niwin sefal eti neun kewe mi tupwon me ewe teninimw mi pin oh epwe feitiw won Chukun olives
2. Ekewe mi tipis ra manau sefal, setan a pwan otupwur pwe repwe attai ewe teninimw mi pin.
3. Ekewe mi tipis ra kuna kepwung, ekkei a feitiw seni lang oh kenareno meininisin.
4. Kot a fori ew lang mi foo me fonufan mi foo oh a enimochu fonufan unus.

Ewe pwang eseor epin(The Bottomless Pit)

. Ewe kapas bottomless pit kapasen Merika non **Pwarata 20:1** chomong chon wewengaweiti. A feito seni ewe kapsen Greek “abusos” ian ewe kapasen Merika abyss a feito me ia. Non ewe Old testament nupwen sia rong ei kapas, iwe e wewengeni ew neni mi ngaw rochopwak eseor manau non, usun nonomun fonufan mwen an Kot epwe poputa me fori ika amasowa ngeni man ira me aramas. “Lepopun Kot a föri läng me fanüfan. ² Nge fanüfan a kotongau o pön, a pwal lölö o rochokich ekis meininisin, nge Ngünün Kot a tümwünü ewe lölö (**Gen 1:1-2**). Ei kapas abusos sia pwan kuna sefali non **Luke 8:31** a aporoua ngeni kich usun an ese chiwen wor ian ekewe demon repwe nom ia ika ion repwe otupwu.

Non ewe 1000 ier Setan epwe fofonoo sapw ren selin mecha pwe ren ese chiwen wor ion epwe otupwu. “ Esapw chiwen wor ion epwe otupwu.” **Pwarata 20:3**. Efoch selin mecha ese tongeni epwe amwochu setan ika met? Ewe chok metoch a tongeni

an epwe auweno an esapw chiwen otupwu aramas ika pwe ese chiwen wor aramas epwe otupwu. Nupwen Sises a niwin sefal, ekewe tipis ra mano ren saraman nge ekewe mi tupwon ra etekita lang, Iwe setan me neun kewe chonlang ra kalapus won fonufan oh esapw chiwen wor ion repwe tongeni otupwu. Ukukun 1000 ier repwe nom won fonufan iwe ra pwusin kini uwaan arkewe angang. Esapw wor selin mecha epwe amwochu setal pwe repwe chok mochuno non fonufan esapw wor ion repwe chiwen otupwu. "Iwe, epwe achufengeni ekewe king lon eu pwang usun chon fötek, epwe pwal lokerelong lon imwen fötek. Nge mürin chomong rän repwe küna apwüng." **Isaiah 24:22.**